

Tonjol tarian sewang untuk tarik kehadiran pelancong

SUNGAI BERUA - Tarian sewang akan diketengahkan sebagai salah satu kebudayaan di Hulu Terengganu bagi menarik kedatangan pelancong ke daerah ini.

Pegawai Daerah Hulu Terengganu, Azmi Razik berkata, pihaknya telah menggerakkan usaha ke arah itu termasuk bakal mewujudkan klinik tarian sewang bagi memantapkan lagi mutu persembahan dan menambah kepelbagaian lagu.

Menurutnya, klinik berkenaan akan mendapat tunjuk ajar seorang pensyarah dari Universiti Sultan Zainal Abidin.

"Kita bukan saja kaya dengan pelbagai tempat menarik, tapi juga kebudayaan yang mampu menjadi tarik-an pelancongan. Ini boleh

beri pendapatan kepada komuniti setempat menerusi hasil persembahan kepada pelancong.

"Kebudayaan yang menjadi identiti daerah seperti silat kura-kura, rodak, kertuk ulu dan tarian balai sudah diketengahkan. Sekarang kita gerakkan pula tarian sewang komuniti Orang Asli Sungai Berua. Setakat ini sudah tiga kali kumpulan ini adakan persembahan termasuk sewaktu penganjuran Pekan Budaya Daerah Hulu Terengganu di Kuala Berang" katanya.

Beliau berkata demikian an selepas menyempurnakan perasmian Program Jaringan Komuniti Tautan Kasih Bersama Orang Asli Sungai Berua di Balai Raya Kampung Sungai Berua,



Tarian sewang akan diketengahkan sebagai salah satu kebudayaan di Hulu Terengganu.

yang dianjurkan dengan kerjasama Institut Penyelidikan Kenyir Universiti Malaysia

Terengganu, Pejabat Daerah Hulu Terengganu dan Jabatan Kemajuan Orang Asli.

Menurutnya yang juga Pengerusi Jawatankuasa Pembangunan Orang Asli

Sungai Berua, selepas ini tarian sewang juga akan diketengahkan sebagaimana kebudayaan lain yang sering mengadakan persembahan dalam sesuatu program terutama di peringkat daerah.

"Limpahan pelancong ke Tasik Kenyir ibakal dinikmati penduduk di kampung-kampung. Misalnya sewaktu dalam perjalanan pulang, tentu mereka mahu melihat pelbagai perkara menarik yang ada dan kebudayaan di daerah ini salah satu daripadanya.

"Kita sedang mengenal pasti seberapa banyak kelebihan yang ada di sesebuah kampung sebagai elemen menarik perhatian pengunjung untuk bertandang ke Hulu Terengganu," katanya.

INDRA HARIAN
21/10/2017